

A sali na cla cu...

ELGIN JUDDAN A BENDE NOS MUSICONAN DURANTE CARNAVAL..

Fotos y Texto : Poets.

** Ta conoci cu durante temporada di carnaval hopi stof a lanta di e banda di St. Maarten, esta e banda "Control" cu ta bin toca pa e grupo di coastal. Na prome lugar nos kier clarifica enfaticamente cu no ta intencion pa ta contra di e banda "Control" cu no tin arte ni parte den henter e asunto aki, pero pa simplemente e hecho cu nos Minister di Husticia ta ser mal informa pa e propio president di ASOMA.

Na prome instante ASOMA a saca varios comunicado na unda nan ta muestra bon cla y cu hopi enfasis cu ASOMA no ta permiti ningun banda di afor pa bin toca na Aruba mientrastanto cu nos musiconan local no tin toca den parada di carnaval.

Na e momento ey Elgin Juddan a haya masha tanto apoyo di nos musiconan y Elgin tabata muestra un persona cu a sali na defensa di nos musiconan. Ainda nos por corda con varios musico a reaccionna via radionan manera entre otro Sra. Ada Croes di Los Duques cu a bisa bon cla cu Los Duques, un banda hoben cu a dal duro den carnaval no a haya toca pa parada grandi. Nos ta corda ainda via di radionan e banda ZODIAC tabata manda mensahenan cu nan tampoco no tin toca pa parada grandi. Te hasta nos tin cu corda riba nos propio Roadmarch King Long Roy, kende tambe no a haya toca huntu cu su banda di COCO LOCO BAND. E musiconan tabata contento cu e defensa fuerte di ASOMA. Tur cos tabata bon te na momento cu e dianan ta asercando y mas y mas e noticia a cuminsa plama den e participantenan di Coastal cu Coastal a confirma nan cu CONTROL lo ta den parada. Di parti di ASOMA ningun muska no tabata bula. Tur cos tabata keto.

Coastal a bin cu e ponencia cu e banda CONTROL lo toca completamente gratis pa nan y cu esey ta e motibo pakico nan lo bay cu e banda CONTROL di St. Maarten. Sinembargo nos por a scucha na radio cu Coastal mester a paga Thunder & Lighting pa huur e equiponan di sonido.

Tambe nos ta puntra ta cuanto placa Coastal a paga e ticket di avion, cuminda, estadia y transportacion. Nos ta kere cu e gasto aki ta mucho mas halto comparando cu si Coastal a contrata un otro banda local.

Tanto riba diasabra y diadomingo di carnaval tur hende por a confirma cu e banda CONTROL ta den parada. Esaki a pone e hemchi a yena y nos musiconan a desgusta totalmente di e maneho di ASOMA. Ta conoci cu Elgin Juddan "himself" a bay te Coastal pa rueni cu un alto ehecutivo di Coastal y despues te hasta Elgin riba su propio declaracion a bay lunch cu hendenan di Coastal na Brisas del Mar. Awor nos ta puntra ta kico a pasa durante e lunch aki?? Porta cu ta durante di e lunch aki Elgin a bende nos musiconan.

E dialuna despues di Carnaval nos a scucha na radionan con nos musiconan tabata masha rabia cu ASOMA y te hasta Didi Wernet a bisa cu nan a hale un banda. A worde papia cu durante di e proximo rueñionnan e aña aki lo por pasa un mocion di desconfianza y baha e directiva actual.


Elgin Juddan a reacciona mesora bisando cu e musiconan sa bon na unda e ta biba y nan no mester bay radio pa busca ajudo. Ta conoci cu esaki ta e tipo di defensa di Elgin Juddan. Awor nos ta hayando informacionan clave y na unda nos por conclui cu Elgin a bende tur nos musiconan di Aruba.

E pregunta cu ta ser haci tambe ta, si ta conta e trailer cu combinacion Latin Fever-Papito y su Doble Sabor (dos banda cu no ta existi) como dos banda di Aruba cu tambe a haya toca den parada, ken ta paga nan y cuanto??

DEN AMBIENTE ta lamenta cu net esnan cu mester sali na vanguardia di nos musiconan, ta net nan mes ta benenan. Mientras cu e tipo di fechorianan aki ta pasa cu nos musiconan, nan ta keda sufri y ser atrapa den nan propio cas. Pa diasabra awor, DEN AMBIENTE lo ta mas CLA Y RASPA..

DEN AMBIENTE


LONG ROY Y PAPITO KETU BAY NO TA SIGUR DI NAN VIAHE PA HULANDA..

Aparentemente ministernan di AVP no kier firma...

cu esaki a ser rechaza pa e ministernan di AVP. Inmediatamente DEN AMBIENTE a bay sam-buya den e asunto aki y a logra di pisca cu ta cuater minister mester firma pa financien haci e pago, pero debi na e problema cu ta reina actualmente entre OLA y AVP, por a saca riba e liña di pisca, cu e ministernan di AVP lo no firma pa esaki cu ta unda cu te ainda Long

Roy y Papito no tin nan pasashi den nan man. Awor si laman a subi riba tera, ta asina nos musiconan ta ser perhudica pa motibo di conflictionan politico. Ta di spera cu e ministernan lo sa di laga nan capricho un banda y basha e firma pa Long Roy bay mande su toro den e center aya na Hulanda y Papito bay tembla Hulanda durante ARUBA DAG..

** Informacionnan cu DEN AMBIENTE a ricibi ta bisa cu tanto Long Roy actual Roadmarch King y Papito Rafael Rey di Tumba, ta man na cabez ta puntra nan mes si nan lo viaha pa Hulanda pa asina forma parti di e gran celebracion di Aruba Dag. DEN AMBIENTE por a compronde cu Minister Lili Beke Martinez a haci tur e tramitenan pa e dos reynan musical aki viaha pa Hulanda, pero defacto



NA CAMINDA PA E FESTIVAL "UN CANTO NA NOS HIMNO Y BANDERA"..

** Sin duda ta un tremendo iniciativa pa organiza e festival netamente ARUBIANO aki "UN CANTO NA NOS HIMNO Y BANDERA" un siman

promete cu e gran celebracion di nos glorioso DIA DI ARUBA. E festival aki lo bay tuma lugar diasabra awor dia 14 di Maart den Club di Trappers y lo cuminsa pa exactamente 9'or di anochi. Te cu awor tin 22 composicion inscribi, cual ya caba ta muestra di bay bira algo grandioso. Durante e anochi cultural aki, lo bay rindi un homenage na un di nos valuarde artista cu sin duda merece e honor aki, kende ta trata di nada mas y menos VICENTE KELLY, e cantor di Pueblo. Pa diasabra awor DEN AMBIENTE lo ta mucho mas amplio riba e festival aki, cual merece tur clase di apoyo serca nos tur cu berdaderamente ta sinti y ta orguyoso di ser un ARUBIANO..

